



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Margarita Evangelica

Essche, Nicolas van

Coloniae, 1545

De natiuitate Dei in sp[irit]u, a[nim]a & corpore Marię. 25

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

## LIBER III.

coelestis, quam terrestris creatura: quippe quæ & ipsa cœlum erat in spiritu suo, & cœlum cœli visque in seipsam inclinabat. Paradisus etiam in anima sua, ita nimirum diuinitatis claritate perlustrata, sicut ipse in paradiso protoplastus, nec vllum in se medium inter Deum et seipsam habens.

Qualiter nouē angelorum ordinibus cincta erat beatissima virgo Maria.

**D**Eniq; cum Seraphin in suis cogitationibus ardebat, plena diuino amore. Cum Cherubin plena erat cognitione, in intellectu suo in speculo diuino. Cum Thronis sedes in qua Deus ipse quiescebat, vnita per voluntatem perfectissime Deo suo. Cum Dominationibus perpetua pro nobis interpellatrix. Cū Principatibus mundi victrix. Cum Potestatibus demonum refrenatrix. Cum Virtutibus ordinata semper & discreta in obsequio suo. Cum archangelis duplicis nunciij baiula, quippe quæ nobis Deum ipsum genuit, æternam nobis omnibus pacem annunciantem. Cum angelis demum ancilla humilis, in quorum etiam medio continue versabatur.

De prima natiuitate in spiritu Mariæ.

Cap. XXV.

**P**orro, vt de tanta virgine amplius aliquid dicamus, sciendum est triplicem in ea natiuitatem extitisse. Prima natiuitas est, in qua Deus nascebatur in spiritu ipsius. Siquidem per puritatem suam mirum in modū placebat Deo. Per amorem vero compellebat eundem, vt se

CC demit-



## MARGARITAE EVANG.

demitteret in fundum animæ suæ, in silentem ac nudam illam libertatem, in qua medium silentium consistit. Vbi & ipsam in sese uniens verbum suum arcanum cum ipsa loquebatur, et unicum filium suum in ipsius spiritu cum ineffabili gaudio & amore gignebat. Et hæc est æterna in gloriosa virgine natiuitas, & nox tenebrosa, in spiritu videlicet, vbi intellectus caligat & obfuscat. Vbi nanque lux increata oritur, ibi lux aliqua creata durare non potest. Nox etenim in diem conuertitur, id est, lux animæ creata in æternitatis lucem commutatur. Ipsa denique spiritum suum in increatam diuinitatis essentiam offerebat, & anima eius in profundam sese humilitatem demittebat.

### De secunda natiuitate in anima Mariæ.

**D**enique per ista suaue illud amoris profusum, & æternæ sapientiæ lumē deorsum in animam suam inclinabat. Et iam pater luminum cōtinere se non poterat, quin unicum filium suum in anima ipsius gigneret: ideoque & ipsam totaliter in se transformabat. Ipse vero spiritus sanctus cordis eius sanguinem ad humanæ assumptionem naturæ disponebat: & pater cœlestis ipse in spiritu cōsensum expectabat, desiderās vt suus in ea filius humanæ naturæ conditionē acciperet, qui per operatiōem sancti spiritus ex ipsa nasci volebat. Ipsa vero ad tantam dignationem præ humili verecundia obstupuit, & cum amorosa & anxia aspiratione respondit: Plane tanta me gratia indignam agnosco, sed vtinam vel ancilla tantæ matris esse valeam.



### LIBER III.

valeam. Sed ipse eam matrem esse volebat. Quod illa intelligens, adhuc profundius in sui ipsius annihilationem sese demittebat. Iam vero omnino concluderetur, quod ita fieri oporteret, quodque Deus diutius expectare non vellet. Et ecce salutavit eam supersanctissima Trinitas, cum supersplendente lumine, & perfluente charitate, & omnia eius interiora amoris iaculo tam valide transfigebat, ut iam amorose consensum daret. ¶ Et eodem momento sanctus ei Gabriel archangelus assistens, eamque in spiritu inueniens, dulciter salutavit, & dixit: Ave Maria gratia plena, dominus tecum. Quæ cum audisset, turbata est, ex profundissima humilitate sua, in salutatione eiusmodi, quæ nunquam alias audita fuit. Turbata etiam est, quia nimirum tota ad altissima ac divina illa mysteria intracta erat. Pater namque totaliter eam ab intra perfluebat, & omnia eius ossa, ossiumque medullas implebat ac perlustrabat. Spiritus sanctus dulcem in eius intimis commotionem, & amorosam in eius sanguine mutationem causabat, cunctasque venas illius dulciter ac amorose aperiri faciebat: quarum omnis sanguis ad cor tam ignito amoris incendio succensum vigorose properabat. De quo sanguine cordis ipsius idem spiritus sanctus tres purissimas mundissimasque guttas accipiens, aptissimum inde corpusculum formabat, mensura quidem exiguum, sed membris suis omnibus absolutum atque perfectum. Sed & ipse lucis æternæ radius, verbum videlicet patris, iugiter in eius intimis existens, cum ma-

CC ij gno



MARGARITAE EVANG.

gno desiderio consensum illius præstolabatur, ut ex ipsa naturam humanam assumeret. Quod etiam mirum in modum ex virginea ipsius voce sauciabatur, & ineffabilem in eius suavissimis verbis, quæ tam humiliter proferebat, delectationem habebat. ¶ Denique & angelus ad ipsam: Ecce, ait, concipies & paries filium, & filius altissimi vocabitur. Et ipsa: Quomodo (inquit) fiet istud, quoniam virum non cognosco? Et angelus: Spiritus sanctus superueniet in te, & virtus altissimi obumbrabit tibi. Intellegens itaque virgo prudentissima integram sibi virginitatem permansuram, seque a spiritu sancto per altissimi protectionem sœcundandam, tota mentis deuotione consentiens, in hæc verba prorupit: Ecce ancilla domini, fiat mihi secundum verbum tuum. Emisit itaque verbum humile & transitorium, & traxit in se verbum sempiternum. Etenim verbum caro factum est, & habitauit in nobis.

De temporali & tertia natiuitate in Mariæ corpore.

**A**lti luminis illustrata luce fit porta Christi peruia, referta plena gratia, transitorieque & permanet, clausa ut fuit per secula. Tanquam vellus Gedeonis, in quod rore descendente, terra mansit arida. Per quod virginæ caro puritatis accipitur Mariæ, quæ licet conciperet & pareret filium, labem tamen non sensit vllam. Ideoque & aptissima erat esse patris filia, filij mater, sponsa spiritus sancti, & sacrarium templumque summi Dei, in cuius virgineo corpore velut sp̄sus in thalamo dulciter quiescit.



## LIBER III.

quiescebat, tantumque delectabatur sub eius ca-  
 ssumo corde gestari, quantum in aliquo pala-  
 tio florum omnium ac herbarum suauefragran-  
 tium odore resperlo commorari: quippe quam  
 omni virtute & gratia plenam archangelus pre-  
 diebat. Species nanque odoriferarum virtutum  
 illius beatissimæ Trinitatis cœlos mellifluos se-  
 cerunt, & cœlum terramque fecunditate imple-  
 verunt. Ipsa est aurora rutilans, quæ totum mun-  
 dum illustravit. Quia nimirum nude introuersa  
 in suadum ac nudam animæ essentiam, (quam  
 lux increata inhabitat) ibidem clarius cognosce-  
 bat, qualiter Deus omnipotens omnem rationa-  
 lem creaturam ad suam fecit imaginem, in eo vi-  
 delicet, quod spiritus sunt, sicut & ipse spiritus  
 est: & ad suam similitudinem, per operationem  
 scilicet trium virium superiorum, quæ suam in  
 spiritu originem habent, & ex ipsa essentiæ vni-  
 tate promanant: quodque Deus seipsum in animæ  
 imagine vniuit. Vnde & ipsa anima suam in il-  
 lo habet originem, applicata et inclinata ad ipsum  
 vti radij solares ad solem. Quod qui experiri vo-  
 luerit, ab omnibus sese creatis rebus auertat, &  
 cunctis animæ viribus vnitatis sese introuertat, at  
 que extra seipsum in Deum transeat, in intimo  
 videlicet spiritus sui, vbi Deum sentiet, et omne  
 bonum vitamque inueniet sempiternam. Etenim  
 & gloriosa virgo istud faciebat. Sese nanque in-  
 trouertens, in Deum transibat, sicut & ipse in e-  
 am, qui & ex virgineo corpore ipsius nasci vo-  
 lebat: sicque nobis solem iustitiæ produxit, aufe-  
 rens a nobis Euzæ maledictionem, & benedicti-  
 onem recuperans; vnde & angelus eam plenam  
 gratia dicebat.

CC iij ¶ Aue



MARGARITAE EVANG.

**A**ue rosa sine spinis, tu quam pater in diu-  
nis, maiestate sublimauit, & ab omni vae ser-  
uauit.

Maria stella dicta maris, tu a nato illustraris, in-  
ce clara deitatis, qua præfulges cunctis datis.  
Gratia plenam te perfecit spiritus sanctus, dum  
te fecit, vas diuinæ bonitatis, & totius pietatis.  
Dominus tecum miro pacto, verbo in te car-  
ne facto, opere trini cōditoris, o quam dulce vultus  
amoris.

Benedicta tu in mulieribus, hoc testatur omnia  
tribus, cœli dicunt te beatam, super omnes exalta-  
tata.

Et benedictus fructus ventris tui, quo nos semper  
per dona frui, per prægustum hic internum, &  
post mortem in æternum.

Iesus Christus splendor patris, Deus summæ ma-  
iestatis, qui nos amans nos creauit, sanguineque  
suo lauit.

Per sua merita & tuam intercessionem hoc de-  
tur nobis, o clemens, o pia, o dulcis virgo Ma-  
ria.

Qualiter nomen Mariæ in nobis spiritali-  
ter habere, & cum Deo in triplici nati-  
uitate vniri debeamus. Cap. XXVI

**N**VNC igitur o anima mea si vnquam  
internæ ac virtuosæ vitæ gratiam adipi-  
ci, & tuum intra te principium sentire vo-  
les, attēde & imitare perfectissimam exemplar  
& lucidissimum speculū virginis gloriosæ, con-  
siderans qualiter ipsa sese intus exteriusque habe-  
re cōsuevit; & magnū inde suffragiū tam in spi-